

www.BibleForChildren.org

Zenezi 3



Tawamhã aibã, ma tô timro hã sisi
Ewa na, uburé dana na'rata na za
're hâimana mono dâ'âsina.



Wahi hã, uburé tisiré abaze norĩ
nhipai u, hâimana nhimiza'rese na te
're hâimana, Uburé Danhib'apito 'Re
ihâimana u'âsi mono nhimipoto
'remhã.




Tahawa te wahi hã pi'õ sadanha
ãne: — E tô sena ma tô 'Re
ihâimana u'âsi mono hã aima
waihu'u 'wa, rob're ãma uburé
rowede 're isimasa mono 'rã hã,
'mairêne aba tã da.




Tawamhã pi'õ, ma
te ãma sada'â ãne:


— Uburé siwa'ru
rowede 'rã te te wama
i'ruzé hã wa za tô wa te 're 'masi. Tane nherẽ,
rob're norĩ wede wa'wa rowede 're isa mono
'rã si, wa te 're i'mairẽne
mono da hã maze di,
taha si te te wawi
sawi wa.



Duré wa te 're upi tō
mono da, ma tō wawi
sawi. Āne hā wa te
'manharĩ wamhã, wa za,
u, wadâ'â ni. Tawamhã wahi,
te pi'õi ma asa tinha ãne:
— Mare di. 'Rēne aba
nherē, atâ'â aba õ di za.



'Re ihâimana u'âsi
mono ma, waihu'u
pese wa, te ãne na hã
aima waihu'u 'wa, nimahã
bâtâ na ã rowede 'rã 'rêne aba wamhã, ato
hã za aima isi'ridawa aba zém na hã, duré za
isine 're aihâimana aba mono na hã, iwẽ
hã duré iwasédé hã za
're i'awaihu'u aba
mono na hã oto.



Tawamhã pi'õ te rowede iwẽ na hã
'madâ. Duré i'rã da te 're ihuri mono
da hã te 'madâ'â ze na hã sima
'madâ. Tahawa, ma tô 'râwi duré
sina rosa'rata, te te 'rêne wamhã,
za simiza'rese na
rowaihu'u wẽ na
're ihâimana
mono na hã.
Tahawa, ma
tô 'mata.



Ma tô ti'rê. Taha pari, ma tô timro ma
tisõ. Tawamhã taha zama ma tô duré
oto ti'rê. Tawamhã awa'awi ma tô ito
hã tãma si'ridawa zahuré. Tahawa,
ma tô oto ai'uréiwi 're inem na hã
'râwi siwaihu'u zahuré.

Tahawa, ma tô
rowede figura
su hã ãma isi'ubu
zahuré zéb da
hã sisada
ababaĩ
zahuré.





Tane nherẽ,
Uburé Danhib'apito 'Re ihâimana u'âsi mono, aibâ te
te 'mahârâ wamhã, te ãne sadanha: — E mame te
asã. Tawamhã aibâ, ma tô sada'â ãne: — Rowede
wa'waibaba we i'aimorĩzé aipara 'ra te wapari wa,
wa tô aima ãpahi, ai'uréiwi ãhâimana zép te.






Tahawa wa tô aiwi aima'u. Tawamhã 'Re ihâimana u'âsi mono te sadanha ãne: — E 'wa ma tô ai'uréiwi aihâimana na hã aima waihu'u. E ma tô rowede 'rã te aiwi isawi hã i'mai'rê.



Tawamhã aibã, ma duré ãma tãma wa'rã ãne: — Pi'õ,
wasiré 're wasimasisi mono da, ãma isõmri hã, ma
tô rob'rã ãma tisõ. Ta hã wa tô ti'rẽ. Tawamhã
Uburé Danhib'apito 'Re ihâimana u'âsi mono
te pi'õi ma tinha ãne: — E marĩ da, ma tô
ãne hã i'manha. Tawamhã pi'õ, ma te
ãne asa ãma tãma wa'rã: — Wahi,
ãma isadawa nhipese zarina wa tô
ti'rẽ, rob'rã hã.







Tahawa, Uburé Danhib'apito 'Re
ihâimana u'âsi mono, ma tô Édē na
rob're nhisi hawimhã tãma rob'ru,
ti'a na te te ihâiba 'manharĩzém
na si te te sima 're rob're
mono da oto.



Tawamhã duré oto rob're 're ihâimana
mono hawi aibâ te te satõĩ wamhã,
ma tô rob're bātâ pusizém niwĩ
ihâimana ãma sõré, hâiwa ãma
romhuri'wa isiptete noĩ si hã.






Sib'ézé

'wapa 'wa ro'o ré hã

ma tô duré tisã, te te nasi irowaimrami
mono da hã. ãne 'Re ihâimana u'âsi
mono, ma tô 'manha, ni'wa hã ãhã
rowede 'rã da te 're huri mono wa,
dadâ'â ãna 're idanomro u'âsi
mono zé rowede
tême 'râwi wisi
tõ da hã.




Tawamhã Adã, timro Ewaha ãma nasi sapa'a wamhã,
ma tô tiwasã. I'ra duré oto tãma waptã'ã wamhã, te
ãne tinha: — Uburé Danhib'apito nhimipawaptobzéb
zarina, ma ĩra aibâ na ĩma podo.
Tawamhã ma tô sisi, Caĩ na.




Tahawa, nimahã na ma tô duré i'ra hâiba amo hã
tãma podo, isisi hã Abéu na, Caĩhĩ sisãnawã hã. Abéu
te pone'ẽrebã 'madã'ã'wa na 're hâimana. Caĩ hã te
rob're na si te te 're romhuri.



Tawamhã we ropsi'utõĩ mono pari, nimahã bātã na
Caĩ ma tō tiburu nho hã 'mai'â, Uburé Danhib'apito
ma, ãma tãma isõprubzéb da hã. Duré
Abéu tinhimizama pone'ërebã 'ra
poto'rada hã ma tō duré 'mai'â.



Tawamhã taha na nimahã inhi wẽ uptabi na ma tô
Uburé Danhib'apito ma ãma tãma tinhopru. Tawamhã
Abéu ma hã duré isibzari ma zama toi
uptabi di. Tane nherẽ, Caĩhĩ nhibzari si
te te wẽsãmri õ di. Ma tô wẽ'õ. Tahawa,
ma tô Caĩ ab'rui pese. Duré ma tô
ti'ubu ze'i'õ pese.



Tawamhã Caĩ, tisisã nawã Abéu ma, te ãne tãma tinha:
— Oto wane na, a'ubuni u. Tawamhã rom na oto siré
hãimana zahuré wamhã, ma tô Caĩ,
tisisã nawã Abéu da asapêtê.
Tahawa, ma tô tiwĩ.



Tawamhã Uburé Danhib'apito, nimahã na te Caĩ hã
sadanha ãne: — E mahãta asisãnawã Abéu. — Me!
Wa hã te waihu'u õ di. E wa hã ãsisãnawã 'madâ'â'wa
pâ. — ãne Caĩ ma te asa ãma sada'â.

Tawamhã Caĩ, Uburé Danhib'apito
're ihâimana mono zém
hawimhã ma tô watobro.



Tahawa, ma tô mo, Nodi na romnhisi ãma 're hâimana
mono da oto, Édê bôtâ pusizém niwĩ 're ihâimana
mono ãma.




Tawamhã Adã norĩ imro me, ma tô duré i'ra hã tãma
ti'maipoto zahuré. Tahawa te ãne tinha imro pi'õ hã:
— 'Re ihâimana u'âsi mono, Abéu
nhowa're'remhã ma tô duré i'ra hã ãma tisõ,
Caĩ te te ãwĩrĩ nhibrob're ãma 're ihâimana
mono da hã. Tawamhã ta hã ma tô sisi,



Taha pari Adã, 800 na ãma iwahum na, ma tô duré 're
hâimana. Tawamhã i'ra si'aibâ norĩ, i'ra sipi'õ norĩ me,
tãma poto za'ra pari, ma tô oto dârâ,
930 na ãma iwahub ãma.




Tawamhã Uburé Danhib'apito, 're idawasété
pese uptabi za'ra mono zé ma tô te te
're ab'madâ'â, õne u'â dawasété si
da te 're 'manharĩ za'ra mono da,
da te dasima ãma 're irosa'rata
za'ra mono zé hã.




Duré pẽ'ẽ pire na 're hâimana mono wa, te ãne
sima tinha: — ã hã a'uwẽ norĩ te ipoto
za'ra hã, ti'ai hawi sô irobaba za'ra
da hã, wa za niha hã tãma
rob'manhaĩ za'ra.




Duré uburé abaze noĩ zama, di'i na dawaprã
're inomro mono noĩ zama, duré si noĩ
zama wa za uprosi. E maĩ wa. Īwi
robzei'õ pese wa, ĩnhimipoto noĩ
nhimi'manharĩzé zabâdâ.




Tane nherẽ, Uburé Danhib'apito, Nowé 're
ihâimana wẽ mono zéb zabâdâ si tâma 're toi
u'âsi mono di. ã hã Nowéhé wasu'u. Ta
hã ãne si'ubdatõ i'ra norĩ nhisi
mama na ma tô 're
hâimana: Sẽ, Cã,
Zafé.



Nowé, sena na i'uwaibaba na si, duré õne u'â 'Re
ihâimana u'âsi mono mreme te te 're iwapari pese
mono na si ma tô 're hâimana. Duré isiré
're idahâimana za'ra mono norĩ
nhimi'manharĩ siwaprã, ma
tô siwaprosi 'Re
ihâimana u'âsi mono ãma si 're mo.



'Re ihâimana
u'âsi mono ma, tãma dazawi pese uptabi
wa, ma tô ti'ra hã misi nherẽ, we tisõ,
dazada dâ'â da. Tawamhã i'ra, da te
dasina 're umnhasi za'ra mono wamhã,
dadâ'â ãna te za hâiwa ãma i'rata
're dasi'ubumroi u'âsi.
Ropipa ãma isiti 're
dasi'ubumroi
mono õ
di za.



Roma 3:23

Uburé te dawasété na a'uwẽ mono bâ 're danomro. Tahawa, te 'Re ihâimana u'âsi mono 're imoĩ wẽ uptabi zém nhiti 're dahâimana za'ra, 'râwi da te dasina 're tété waihu'u za'ra mono ãna.

Roma 6:23

Dawasété na si 're idanomro mono zé wa'rãmi, te za dadâ'â u'âsi ne 're dahâimana za'ra dapẽ'ẽ 're, 'Re ihâimana u'âsi mono nhiti. Wanhîb'apito Cristu Zezusihi ãma si 're danomro mono wapsi, te za 'Re ihâimana u'âsi mono hã sôpru wa, te te dama 're apisutu, i'rata 're idahâimana u'âsi za'ra mono zéb da hã, asa tãma 're idasiwa'âbâ za'ra mono zéb zô, sina 're simnhasi mono ãna.



Hebreu 9:27

Misi haré te za aihĩni 're dadâ'â za'ra. Taha parip si te za 'Re ihâimana u'âsi mono hã niwapsi da'awaihu'u, dawẽ na duré dawasété na zama, taha zarina te te oto dama 're arowairébé mono da hã.

Éfézu 2:8,9

'Re ihâimana u'âsi mono te te 're asawi pese za'ra wa'aba mono zéb zarina, ma tô asõ'reptu za'ra wa'wa, Wa'anho'reptui'wa hã asina 're i'umnhasi za'ra wa'aba mono zéb zarina. Asi'uihã na 're asisõ'reptui waihu'u za'ra wa'aba mono õ di. Sõpru wa, ma tô Wamama hã aima ãma uwaimrami za'ra wa'wa, asõ'reptu za'ra wa'aba zém na hã. Marĩ hã ahã na 're 'manharĩ wẽ za'ra wa'aba mono nherẽ, taha zarina te te 're asõ'reptu za'ra wa'aba mono õ di za 'Re ihâimana u'âsi mono hã, 'rãwi asi'ãma wa'aba 're ai'maiwata aba mono tõe da, asi'uihã na asi'manho'reptui wa'aba mono dai õ wa.



Roma 10:9,10

Zezusi hã Asib'apito uptabi na, asadawa na danho'a 're sisi za'ra wa'aba mono wamhã, duré 'râwi aipẽ'ẽ 're, 'Re ihâimana u'âsi mono, Zezusi te te ihâiwa'utuzém na, 're sazei pese za'ra wa'aba mono wamhã, tawapsi te za te te 're asõ'reptu za'ra wa'wa, 'Re ihâimana u'âsi mono hã. Zezusi hã wapẽ'ẽ 're, wa te wasina 're i'umnhasi za'ra mono zém na, 'Re ihâimana u'âsi mono hã te te 're iwa'awěsãmri mono zé hã. Zezusi hã Wanhíb'apito na danho'a, wa te dama 're isisi za'ra mono zém na, 'Re ihâimana u'âsi mono te te 're iwa'anho'reptui mono zé hã.



Zuwã 3:16,17

'Re ihâimana u'âsi mono ma, tãma dazawi pese uptabi wa, ma tô ti'ra hã misi nherẽ, we tisõ, dazada dâ'â da. Tawamhã i'ra, da te dasina 're umnhasi za'ra mono wamhã, dadâ'â ãna te za hâiwa ãma i'rata 're dasi'ubumroi u'âsi. Ropipa ãma isiti 're dasi'ubumroi mono õ di za. 'Re ihâimana u'âsi mono ma tô ti'ra hã we satõ ti'ai u, te te 're da'anho'reptui mono da. Te te 're da'ahâ za'ra mono da, we te te satõrĩ õ di.



1 Zuwã 5:11-13

E niha 'Re ihâimana u'âsi mono hã, ti'ra te te dama 're iwaihu'u mono zé hã. Ta hã ma tô te te wama 're apisutu, i'ra wazada idâ'âzém na ãma 're iwanomro u'âsi mono zéb da hã. Ni'wam norĩ hã 'Re ihâimana u'âsi mono 'ra siré, 'râwi 're nomro mono wamhã, ta norĩ hã te za dâ'â ãna 're hâimana u'âsi za'ra, 'Re ihâimana u'âsi mono 'rata. Tane nherẽ, ni'wam norĩ hã 'Re ihâimana u'âsi mono 'ra siré 're nomro mono õ wamhã, ta norĩ hã i'rata dâ'â ãna 're hâimana u'âsi za'ra mono õ di za. E marĩ da, wa ãne aima rob'ui'ééré za'ra wa'wa, 'Re ihâimana u'âsi mono 'ra, asina 're i'umnhasi za'ra wa'aba mono norĩ ma. Aipẽ'ẽ 're, atâ'â ãna 're anomro u'âsi aba mono zém na sena na asina waihu'u pese za'ra wa'aba da, wa ãne aima rob'ui'ééré za'ra wa'wa.



Zenezi 3 – 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Xavabte Bible (xav) © 2011, Wycliffe Bible Translators, Inc.
All rights reserved.

<https://www.bible.com/bible/683/GEN.1.XAVBP>

<https://live.bible.is/bible/XAVTBL/MAT/1>

©2026 Bible for Children, Inc.

www.M1914.org

www.bibleforchildren.org

